

四庫全書

集部

欽定四庫全書

集部

松陵集卷八至十

詳校官中書_臣陸 湘

助教_臣常循覆勘

總校官中書_臣朱 鈐

校對官檢討_臣蕭九成

謄錄監生_臣周 元

欽定四庫全書

松陵集卷八

今體七言詩八十四首

白鷗詩

并序

陸龜蒙

樂安任君嘗為涇尉居吳城中地纔數畝而不佩俗物
有池池中有島嶼池之南西北邊合三亭修篁嘉木掩
隱隈奧處其一不見其二也君好奇樂異喜文學名理
之士所得皆清散凝瑩襲美知而偕詣既坐有白鷗翩

然馴於砌下因請浮而翫之主人曰池中之族老矣每以豪健據有鷗之始浮輒逐而害之今畏不敢入吁昔人之心蓄機事猶或舞而不下況害之哉且羽族麗於水者多矣獨鷗為閒暇其致不高邪一旦水有鯨鯢之患陸有狐狸之憂儔侶不得命嘯塵埃不得漂刷雖蒙人之流賞亦天地之窮鳥也感而為詩邀襲美同作

慣向溪頭漾淺沙薄烟微雨是生涯時時失伴沉山影
往往爭飛雜浪花晚樹清涼還鷗鴂舊巢零落寄蒹葭

池塘信美應難戀
針在魚脣劍在鰓

奉和

皮日休

雪羽襪襪半惹泥
海雲深處舊巢迷
池無飛浪爭教舞
洲少輕沙若遣棲
烟外失羣慙鴈驚
波中得志羨鳬鷖
主人恩重真難遇
莫為心孤憶舊溪

懷楊台文楊鼎文二秀才

陸龜蒙

秋早相逢待得春
崇蘭清露小山雲

崇蘭小山
郡中二堂

寒花獨

自愁中見曙角多
同醒後聞釣具每
隨輕舸去詩題閒

上小樓分重思醉墨縱橫甚書破羊欣白練裙

奉和次韻

皮日休

羊曇留我昔經春各以篇章鬪五雲賓草每容閒處見
擊琴多任醉中聞釣前青翰交加倚醉後紅魚取次分
為說風標曾入夢上仙初著翠霞裙

友人以人參見惠因以詩謝之

皮日休

神草延年出道家

神草別名

是誰披露記三極開時的定涵

雲液斲後還應帶石花名士寄來消酒渴野人煎處撇

泉華從今湯劑如相續不要金山焙上茶

奉和

陸龜蒙

五葉初成椶樹陰紫團峰外即鷄林名參鬼蓋須難見
材似人形不可尋品第已聞升碧簡攜持應合重黃金
殷勤潤取相如肺封禪書成動帝心

傷進士嚴子重詩

并序

皮日休

余為童在鄉校時簡上抄杜舍人牧之集見有與進士
嚴惲詩後至吳一日有客曰嚴某余志其名久矣遽懷

文見造於是樂得禮而觀之其所為工於七字往往有清便柔媚時可軼駭於常軌其佳者曰春光冉冉歸何處更向花前把一杯盡日問花花不語為誰零落為誰開余美之諷而未嘗怠生舉進士亦十餘計偕余方寬之謂乎竟有得於時也未幾歸吳興後兩月

咸通十一年也

雪

人至云生以疾亡於所居矣噫生徒以詞聞於士大夫竟不名而逝豈止此而湮沒耶江湖間多美材士君子苟樂退而有文者死無不為時惜可勝言耶於是哭而

為詩魯望生之友也當為我同作

十哭都門榜上塵蓋棺終是五湖人生前有敵唯丹桂
沒後無家祇白蘋箬下斬新醒處月江南依舊詠來春

知君精爽應無盡必在鄴都頌帝晨

梁成鄴都官頌
紂絕標帝晨

嚴子重以詩遊於名勝間舊矣余晚於江南相遇
甚樂不幸且沒襲美作詩序而弔之其名真不
朽矣又何戚其死哉余因息悲而為之和

陸龜蒙

每值江南日落春十年詩酒愛逢君芙蓉湖上吟船倚
翡翠岩前醉馬分祇有汀洲連舊業豈無章疏動遺文
猶憐未卜佳城處更斲要離冢畔雲

早秋吳體寄襲美

陸龜蒙

荒庭古樹只獨倚敗蟬殘蛩苦相仍雖然詩膽大於斗
爭奈愁腸牽似繩短燭初添蕙幌影微風漸折蕉衣稜
安得彎弓似明月快箭拂下西飛鵬

奉和次韻

皮日休

書淫傳癖窮欲死誦誦何必頻相仍日乾陰蘚厚堪剝
藤把敲松牢似繩擣藥香侵白袷袖穿雲潤破烏紗袴
安得瑤池飲殘酒半醉騎下垂天鵬

秋賦有期因寄龔美

時將主
試貢士

陸龜蒙

雲似無心水似閒忽思名在貢書間烟霞鹿弁聊縣著
鄰里漁舸暫解還文章病來猶滿篋藥苗衰後即離山
廣寒宮樹枝多少風送高低便可攀

奉和次韻

皮日休

十載江南盡是閒
客兒詩句滿人間
郡侯聞譽親邀得
鄉老知名不放還
應帶尾花經汴水
更攜雲實出包山
太微宮裏環岡樹
無限瑤枝待爾攀

病中秋懷寄襲美

陸龜蒙

病容愁思苦相兼
清鏡無情未我嫌
貪廣異疏行徑窄
故求偏藥出錢添
同人散後休賒酒
雙燕辭來始下簾
更有是非齊未得
重憑詹尹拂龜占

奉和次韻

皮日休

貧病於君亦太兼才高應亦被天嫌因分鶴料家資減
為置僧餐口數添靜裏改詩空凭几寒中注易不開簾
清詞一一侵真宰甘取窮愁不用占

新秋即事三首

皮日休

癡號多於顧愷之更無餘事可從知酒坊吏到常先見

鶴料符來每探支

吳郡有
鶴料案

涼後每謀清月社晚來專赴

白蓮期共君無事堪相賀又到金釐玉鱸時

堪笑高陽病酒徒幅巾蕭灑在東吳秋期淨掃雲根瘦

山信迴緘乳管麝白月半窻抄水序清泉一器授芝圖
乞求待得西風起盡去聲挽烟帆入太湖

露樵風杉滿曲除高秋無事似雲廬醉多已任家人厭
病久還甘吏道疎青桂巾箱時寄藥白綸卧具半拋書
君卿脣舌非吾事且向江南問鰈魚

奉和次韻

陸龜蒙

心似孤雲任所之世塵中更有誰知愁尋冷落驚雙鬢
病得清涼減四支懷舊藥溪終獨往宿枯杉寺已頻期

魚須為月求高處即是霜輪殺滿時

帆機衣裳盡釣徒往來蹤跡徧三吳間中展卷興亡小
醉後題詩點畫麤松島伴譚多道氣竹窻孤夢豈良圖
還須待致昇平了即任扁舟放五湖

聲利從來解破除秋灘唯憶下桐廬鷓鴣陣合殘陽少
蜻蛚吟高冷雨疎辨伏南華論指指才非玄晏借書書
當時任使真堪笑波上三年學炙魚

南陽潤卿將歸雷平因而有贈

皮日休

借問山中許道士此迴歸去復何如竹屏風扇抄遺事
柘步輿竿繫隱書絳樹實多分紫鹿丹沙泉淺種紅魚
東鄉旒節看看至靜啟茅齋慎掃除

奉和

陸龜蒙

朝市山林隱一般却歸那減卧雲懽墮堦紅葉誰收得
半盞清醪客醉乾玉笈詩成吟處曉金沙泉落夢中寒
真仙若降如相問曾步星罡繞醮壇

訪寂上人不過

皮日休

何處尋雲暫廢禪客來還寄草堂眠桂寒自落翻經案
石冷空消洗鉢泉爐裏尚飄殘玉篆龕中仍鑠小金仙
須將二百籤迴去待得支公恐隔年

奉和

陸龜蒙

芭蕉霜後石欄荒林下無人閉竹房經抄未成拋素几
錫環應撼過寒塘蒲團為拂浮埃散茶器空懷碧餠香
早晚却還宗炳社夜深風雪對禪牀

顧道士亡弟子乞銘於襲美既而奉以束帛因賦

戲贈

陸龜蒙

童初真府名為郎君與抽毫刻便房亦謂神仙同許郭
不妨才力似班揚比於黃絹詞尤妙酬以霜鱗價未當
唯我有文無賣處筆鋒銷盡墨池荒

奉和

皮日休

師去東華却鍊形門人求我誌金庭大椿枯後新為記

仙鶴亡來始有銘

前朝文集未
有道士銘誌

瓊版欲刊知不朽冰紈

將受恐通靈君才莫歎無茲分合注神玄劍解經

秋夕文晏

得遙字

皮日休

啼蜩衰葉共蕭蕭
文晏無喧夜轉遙
高韻最宜題雪讚
逸才偏稱和雲謠
風吹翠蠟應難刻
月照清香太易消
無限玄言一盃酒
可能容得蓋寬饒

同前

得成字

陸龜蒙

筆陣初臨夜正清
擊銅遙認小金鉦
飛觥壯若遊燕市
覓句難於下趙城
隔嶺故人因會憶
傍簷棲鳥帶吟驚
梁王座上多詞客
五韻甘心第七成

梁昭明當文晏賦詩各五韻劉孝威

第七
方成

南陽廣文欲於荆襄卜居因而有贈

皮日休

地脉從來是福鄉
廣文高致更無雙
青精飯熟雲侵竈
白袂裘成雪濺窓
度日竹書千萬字
經冬木煎兩三缸
鱸魚自是君家味
莫背松江憶漢江

代廣文先生訓次韻

陸龜蒙

不知天隱在何鄉
且欲烟霞跡暫雙
鶴廟未能齊月馭

鹿門聊擬竝雲窻
蘚銜荒磴移桑屐
花浸春醪挹石缸
莫惜槎頭容釣伴
也應東印有餘江

寄毘陵魏處士朴

皮日休

文籍先生不肯官
絮巾銜雪把漁竿
一堆方冊為侯印
三級幽巖是將壇
醉少最因吟月冷
瘦多偏為卧雲寒
兔皮衾煖蓬舟穩
欲共誰遊七里灘

奉和

陸龜蒙

經苑初成墨沼開
何人林下肯尋來
若非宗測圖山後

即是韓康賣藥迴溪籟自吟朱鷺曲沙雲還作白鷗媒
唯應地主公田熟時送君家麴蘖材

初冬偶作寄南陽潤卿

皮日休

寓居無事入清冬雖設樽罍酒半空白菊為霜翻帶紫
蒼苔因雨却成紅迎潮預遣收魚笱防雪先教蓋鶴籠
唯待支硎最寒夜共君披氎訪林公

奉和次韻

陸龜蒙

逐日生涯敢計冬可嗟寒事落然空牕牕反照緣書小

庭喜新霜為橘紅，衰柳尚能和月動。
敗蘭猶擬倩烟籠，不知海上今清淺。
試與飛書問洛公。

冬曉章上人院

皮日休

山堂冬曉寂無聞，一句清言憶領軍。
琥珀珠粘行處雪，梭櫚帚掃卧來雲。
松扉欲啟如鳴鶴，石鼎初煎若聚蚊。
不是戀師歸去晚，陸機茸內足毛羣。

奉和

陸龜蒙

山寒偏是曉來多，況值禪窻雪氣和。
病客功夫經未演，

金匱要略卷八
故入書信納新磨閒臨靜案修茶品獨傍深溪記藥科
從此逍遙知有地更乘清月伴君過

寄題鏡巖周尊師所居詩

并序

皮日休

處州仙都山山之半有洞口下望之如鑑目之曰鏡巖
下去地二百尺上者以竹梯為級中如方丈內有乳水
滴漉嵌罅黃老徒周君景復居焉迨八十年不食乎粟
日唯焚降真香一炷讀靈寶度人經而已東牟段公柯
昔為州日聞其名梯其室以造之且曰君居此久矣乳

水之滴晝夜可知量乎周君曰某常揣之盡晝與夜一斛加半焉公異而禮之後柯別十二年日休至吳處人過說周君尚存吟想其道無繇以覩因寄題是詩云
八十餘年住鏡巖鹿皮巾下雪髟髟牀寒不奈雲縈枕
經潤何妨乳滴函飲澗猿迴窺絕洞緣梯人歇倚危杉
何如計吏窮於鳥欲望仙都舉一帆

奉和

陸龜蒙

見說身輕鶴不如石房無侶共雲居清晨自削靈香梯

獨夜空吟碧落書十洞飛精應徧吸一簪秋髮未曾梳
知君便入懸珠會早晚東騎白鯉魚

寒夜文晏

得泉字

皮日休

分朋競擘七香牋玉朗風姿盡列仙盈篋共開華頂藥
滿餅同坼惠山泉蟹因霜重金膏溢橘為風多玉腦鮮
吟罷不知詩首數隔林明月過中天

同前

得驚字

陸龜蒙

各將寒調觸詩情旋見微漸入硯生霜月滿庭人暫起

汀洲半夜鴈初驚
三清每為仙題想
一日多因累句傾
千里建康衰草外
含毫誰是憶昭明

庚寅歲十一月新羅弘惠上人與本國同書請日
休為靈鷲山周禪師碑將還以詩送之

皮日休

三十麻衣弄渚禽
豈知名字徹鷄林
勒銘雖即多遺草
越海還能抵萬金
鯨鬣曉掀峯正燒
鰲睛夜沒島還陰
二千餘字終天別
東望辰韓淚灑襟

奉和

陸龜蒙

一函迢遞過東瀛
祇為先生處乞銘
已得雄詞封靜檢
却懷孤影在禪庭
春過異國人應寫
夜讀滄洲怪亦聽
遙想勒成新塔下
盡望空碧禮文星

送潤卿博士還華陽

皮日休

雪打蓬舟離酒旗
華陽居士半酣歸
逍遙只恐逢雲將
恬澹真應降月妃
仙市鹿胎如錦嫩
陰宮燕肉似酥肥
公車草合蒲輪壞
爭不教他白日飛

同前

陸龜蒙

何事輕舟近臘迴茅家兄弟欲歸來

茅司命以三月十八日十二月二日

會于華陽天

封題玉洞虛無奏點檢霜壇沆瀣杯雲肆先生

分氣調山圖公子愛詞才殷勤為向東鄉薦灑掃含真
雪後臺

寒日書齋即事三首

皮日休

參佐三間似草堂恬然無事可成忙移時寂歷燒松子
盡日殷勤拂乳牀將近道齋先衣褐欲清詩思更焚香

空庭好待中宵月獨禮星辰學步罡

不知何事有生涯皮褐親裁學道家深夜數甌唯栢葉

清晨一器是雲華

雲母別名

盆池有鷺窺蘋沫石版無人掃

桂花江漢欲歸應未得夜來頻夢赤城霞

方朔家貧未有車肯從榮利捨樵漁從公未怪多侵酒

見客唯求轉借書暫聽松風生意足偶看溪月世情疎

如鉤得貴非吾事合向烟波為玉魚

松江有玉魚

奉和每篇各用一韻

陸龜蒙

不必探幽上鬱岡公齋吟嘯亦何妨唯求薏苡供僧食
別著甌甌待客牀春近帶烟分短蕙曉來衝雪撼疎篁
餘杭山酒猶封在遙囑高人未肯嘗

已上星津八月槎文通猶自學丹砂

江文通有丹砂可學賦

仙經

寫得空三洞隱士招來別九華靜對真圖呼綠齒偶開
神室問黃牙方諸更是憐才子錫賚於君合有差

名價皆酬百萬餘尚憐方丈講玄虛西都賓問曾成賦

東海人求近著書

葉美嘗作弔江都賦又新羅僧請為太師碑銘

茅洞烟霞侵

寤寐檀溪風月挂樵漁清朝還要廷臣在兩地寧容便
結廬

鵬後送內大德從勗遊天台

皮日休

講散重雲下九天大君恩賜許隨緣霜中一鉢無辭乞

湖上孤舟不廢禪夢入瓊樓寒有月

天台山有金庭不死之鄉及瓊樓玉

室行過石樹凍無烟

案消山有石樓樹吳大皇元年郡吏伍曜于海際得之枝莖紫色有

光南越謂之石連理也

他時瓜鏡知何用吳越風光滿御筵

奉和

陸龜蒙

應緣南國盡南宗欲訪靈溪路暗通

溪在天歸思不離台山下

雙闕下去程猶在四明東銅鉞淨貯桃花雨金策閒搖

麥穗風

上人指期國清過夏

若戀吾君先拜疏為論台岳未封公

寄題玉霄峰葉涵象尊師所居 皮日休

青冥向上玉霄峰元始先生戴紫蓉曉案瓊文光洞壑

夜壇香氣惹杉松閒迎仙客來為鶴靜嘆靈符去是龍

子細捫心無偃骨欲隨師去肯相容

偃骨在胸者名入星骨

奉和

陸龜蒙

天台一萬八千丈師在浮雲端掩扉永夜祇知星斗大
深秋猶見海山微風前幾降青毛節雪後應披白羽衣
南望烟霞空再拜欲將飛魄問靈威

南陽廣文博士還雷平後寄

陸龜蒙

微微春色染林塘親撥烟霞坐澗房陰洞雪膠知未入
濁醪風破的偷嘗芝臺曉用金鐙煮星度閒將玉鈴量
幾遍侍晨官欲降曙壇先起獨焚香

奉和次韻

皮日休

春彩融融釋凍塘日精閒嚙坐巖房瓊函靜啟從猿覩
金液初開與鶴嘗八會舊文多搭寫七真遺語剩思量
不知夢到為何處紅藥滿山烟月香

題支山南峯僧

皮日休

雲侵壞衲重隈肩不下南峯不記年池裏羣魚曾受戒
林間孤鶴欲參禪鷄頭竹上開危徑鴨脚花中擷廢泉
無限吳都堪賞事何如來此看師眠

奉和次韻

陸龜蒙

眉毫霜細欲垂肩自說初棲海嶽年萬壑烟霞秋後到
一林風雨夜深禪時翻貝葉添新藏閒挿松枝護小泉
好是清冬無外事匡牀齋罷向陽眠

送董少卿遊茅山

皮日休

名卿風度足杓斜一舸閒尋二許家天影曉通金井水
山靈深護玉門沙空壇禮後銷香母陰洞緣時觸乳花
盡待子公作廷尉

卿嘗為大理用法有廉平之稱

不須從此便餐霞

同前

陸龜蒙

威輦高懸度世名至今仙裔作公卿將隨羽節朝珠闕

曾佩魚符管赤城

董當判
台州

雲凍尚含孤石色雪乾猶墮

古松聲應知四扇靈方在待取歸時綠髮生

襲美將以綠罽為贈因成四韻

陸龜蒙

三徑風霜利若刀襜褕吹斷罽蓬蒿病中祇自悲龍具
世上何人識羽袍孤路近懷珠履貴薜蘿遙羨白巾高
陳王輕暖如相遺免製衰荷效廣騷

訓魯望見迎綠罽次韻

皮日休

輕裁鴨綠任金刀不怕西風斷野蒿
酬贈既無青玉案
纖華猶欠赤霜袍
烟披怪石難同逸
竹映仙禽未勝高
成後料君無別事
只應酣飲詠離騷

寄懷南陽潤卿

皮日休

鹿門山下捕魚郎
今向江南作渴羌
無事只陪看藕樣
有錢唯欲買湖光
醉來渾忘移花處
病起空聞焙藥香
何事對君猶有愧
一蓬衝雪返華陽

奉和

陸龜蒙

高抱相逢各絕塵
水經山疏不離身
才情未擬湯從事
玄解猶嫌竺道人
霞染洞泉渾變紫
雪披江樹半和春
誰憐故國無生計
唯種南塘二畝芹

天竺寺八月十五日夜桂子

皮日休

玉顆珊珊下月輪
殿前拾得露華新
至今不會天中事
應是嫦娥擲與人

奉和

陸龜蒙

霜實常聞秋半夜
天台天竺墮雲岑

垂拱中天台桂子
落一百餘日方止

如何兩地無人種却是湘灘是桂林

釣侶二章

皮日休

趁眠無事避風濤一斗霜鱗換濁醪

吳中賣魚論斗

驚怪兒童

呼不得盡衝烟雨漉車螯

嚴陵灘勢似雲崩釣具歸來放石層
烟浪濺蓬寒不睡
更將枯蚌點漁燈

奉和次韻

陸龜蒙

一艇輕撈看晚濤接離拋下漉春醪
相逢便倚蒹葭泊

更唱淩歌擘蟹螯

雨後沙虛古岸崩
魚梁移入亂雲層
歸時月墮汀洲暗
認得妻兒結網燈

寄同年韋校書

皮日休

二年疎放飽江潭
水物山容盡足耽
唯有故人憐未替
欲封乾鱸寄終南

奉和

陸龜蒙

萬古風烟滿故都
清才搜括妙無餘
可中寄與芸香客

便是江南地里書

初冬偶作

皮日休

豹皮茵下百餘錢
劉墮間沾盡醉眠
酒病校來無一事
鶴亡松老似經年

奉和次韻

陸龜蒙

桐下空堦疊綠錢
貂裘初綻擁高眠
小爐低幌還遮掩
酒滴灰香似去年

醉中寄魯望一壺并一絕

皮日休

門巷寥寥空紫苔先生應渴解醒杯醉中不得親相倚
故遣青州從事來

走筆次韻奉酬

陸龜蒙

酒痕衣上雜莓苔猶憶紅螺一兩杯正被繞籬荒菊笑
日殘還有白衣來

更次來韻寄魯望

皮日休

蕭蕭紅葉擲蒼苔玄晏先生欠一杯從此問君還酒債
顏延之送幾錢來

又和次韻

陸龜蒙

堦下飢禽啄嫩苔野人方倒病中杯
寒蔬賣却還沽喫可有金貂換得來

重玄寺雙矮檜

皮日休

撲地枝回是翠鈿碧絲籠細不成
煙應如天竺難陀寺一對狻猊相枕眠

奉和

陸龜蒙

可憐烟刺是青螺如到雙林誤禮多
更憶早秋登北固

海門蒼翠出晴波

醉中戲贈龔美

陸龜蒙

南北風流舊不同
僖吳今日若相通
病來猶伴金杯滿
欲得人呼小褚公

奉酬次韻

皮日休

秦吳風俗昔難同
唯有才情事事通
剛戀水雲歸不得
前身應是太湖公

皋橋

皮日休

皋橋依舊綠楊中間里猶生隱士風
唯我到來居上館不知何道勝梁鴻

奉和

陸龜蒙

橫截春流架斷虹
凭欄猶想五噫風
今來未必非梁益
却是無人繼伯通

松陵集卷八

欽定四庫全書

松陵集卷九

今體五七言詩八十六首

過張祐處士丹陽故居

并序

顏 萱

萱與故張處士祐世家通舊尚憶孩稚之歲與伯氏嘗
承處士撫抱之仁目管輅為神童期孔融於偉器光陰
徂謝二紀于茲適經其故居已易他主訪遺孤之所止
則距故居之右二十餘步荆榛之下華門啟焉處士有

四男一女男曰椿兒桂兒椅兒杞兒問之三已物故唯杞為遺孕與其女尚存欲揖杞與言則又求食於汝墳矣但有霜鬢而黃冠者杖策迎門乃昔時愛姬崔氏也與之話舊歷然可聽嗟乎葛帔練裙兼非所有琴書圖籍盡屬他人又云橫塘之西有故田數百畝力既貧窶十年不耕唯歲賦萬錢求免無所嗚呼昔為穆生置醴鄭公立鄉者復何人哉因吟五十六字以聞好事者憶昔為兒逐我兄曾拋竹馬拜先生書齋已換當時主

詩壁空題故友名
豈是爭權留怨敵
可憐當路盡公卿
柴扉草屋無人問
猶向荒田責地征

和張處士詩

并序

陸龜蒙

張祐字承吉元和中作宮體小詩辭曲艷發當時輕薄之流能其才合譟得譽及老大稍窺建安風格誦樂府錄知作者本意短章大篇往往間出諫諷怨譎時與六義相左右善題目佳境言不可刊置別處此為才子之最也繇是賢俊之士及高位重名者多與之游謂有鵠

驚之野孔翠之鮮竹柏之貞琴磬之韻或薦之於天子
書奏不下亦受辟諸侯府性狷介不容物輒自劾去以
曲阿地古澹有南朝之遺風遂築室種樹而家焉性嗜
水石常悉力致之從知南海間罷職載羅浮石笋還不
蓄善田利產為身後計死未二十年而故姬遺孕凍餒
不暇前所謂鵲驚孔翠竹柏琴磬之家雖朱輪尚棄遺
編尚吟未嘗一省其孤而恤其窮也噫人假之為翫好
不根於道義耶懼其怨刺於神明耶天果不愛才沒而

猶譴耶吾一不知之友人顏弘至行江南道中訪其廬
作詩弔而序之屬予應和予汨沒者不足哀承吉之道
邀襲美同作庶乎承吉之孤倚其傳而有憐者

勝華通子共悲辛荒徑今為舊宅鄰一代交遊非不貴
五湖風月合教貧魂應絕地為才鬼名與遺編在史臣
聞道平生偏愛石至今猶泣洞庭人

魯望憫承吉之孤為詩序邀予屬和欲用予道振
其孤而利之噫承吉之困身後乎魯望視予困

與承吉生前孰若哉未有已困而能振人者然
抑為之辭用塞良友之意 皮日休

先生清骨葬烟霞業破孤存孰為嗟幾箇詩編分貴位
一林石笋散豪家兒過舊宅啼楓影姬繞荒田泣稗花
唯我共君堪便戒莫將文譽作生涯

旅泊吳門呈一二同志

張賁

一舸吳江晚堪憂病廣文鱸魚誰與伴鷗鳥自成羣反
照縱橫水斜空斷續雲異鄉無限思盡付酒醺醺

奉酬次韻

陸龜蒙

高秋能叩觸天籟忽成文苦調雖潛倚靈音自絕羣茅
峰曾醺斗笠澤久眠雲許伴山中躅三年任一醺

賁中間有吳門旅泊之什多垂見和更作一章以

伸訓謝

張賁

偶發陶匏響皆蒙組繡文清秋將落帽子夏正離羣有
恨書燕雁無聊賦郢雲徧看心自醉不是酒能醺

更次韻奉訓

陸龜蒙

獨倚秋光岸風漪學簞丈玄堪教鳳集書好換鷺羣葉
墮平臺月香消古徑雲強歌非白紵聊以送餘醺

魯望示廣文先生吳門二章情格高散可醒俗態

因追想山中風度次韻屬和存于詩編魯望之

命也

皮日休

我見先生道休思鄭廣文鶴翻希作伴鷗却覓為羣逸
好冠清月高宜著白雲朝廷未無事爭任醉醺醺

能語肉芝樣解講隱書文終古神仙窟窮年麋鹿羣行

厨煮白石卧具拂青雲應在雷平上支頤復半醺

寄潤卿博士

皮日休

高眠可為要玄纁鵲尾金爐一世焚

陶貞白有金鵲尾香爐

塵外

鄉人為許掾山中地主是茅君將收芝菌唯防雪欲曬
圖書不奈雲若便華陽終卧去漢家封禪用誰文

訓襲美先輩見寄倒來韻

張賁

尋疑天意喪斯文故選茅峰寄白雲酒後只留滄海客
香前唯見紫陽君近年已絕詩書癖今日兼將筆硯焚

為有此身猶苦患不知何者是玄纁

奉和襲美寄廣文先生

陸龜蒙

忽辭明主事真君直取姜巴路入雲龍篆拜時輕誥命
霓襟披後小玄纁峰前北帝三元會石上東卿九錫文
應笑世間名利火等閒靈府剩先焚

軍事院霜菊盛開因書一絕寄上諫議

皮日休

金華千點曉霜凝獨對壺觴又不能已過重陽三十日

至今猶自待王弘

奉詔霜菊見贈之什

崔璞

菊花開晚過秋風聞道芳香正滿叢爭奈病夫難強飲
應須速自召車公

奉和諫議訓先輩霜菊

陸龜蒙

紫莖芳艷照西風祇怕霜華掠斷叢雖伴應劉還強醉
路人終要識山公

幽居有白菊一叢因而成詠呈一二知己

陸龜蒙

還是延年一種材

菊之別名

即將瑤朶冒霜開不如紅艷臨

歌扇欲伴黃英入酒盃陶令接羅堪岸著梁王高屋好

敲來

梁朝有白紗高屋帽

月中若有閒田地為勸嫦娥作意裁

奉和

張賁

雪彩冰姿號女華寄身多是地仙家有時南國和霜立
幾處東籬伴月斜謝客瓊枝空貯恨袁郎金鈿不成夸
自知終古清香在更出梅妝弄晚霞

奉和

皮日休

已過重陽半月天
琅華千點照寒烟
藥香亦似浮金靨
花樣還如鏤玉錢
翫影馮妃堪比艷
鍊形蕭史好爭妍
無繇摘向牙箱裏
飛上方諸贈列仙

奉和

鄭壁

白艷輕明帶露痕
始知佳色重難羣
終朝凝笑梁王雪
盡日慵飛蜀帝雲
燕雨似翻瑤渚浪
鴈風疑卷玉綃紋
瓊妃若會寬裁翦
堪作蟾宮夜舞裙

奉和

司馬都

恥共金英一例開
素芳須待早霜催
遶籬看見成瑤圃
泛酒初迷傍玉盃
映水好將蘋作伴
犯寒疑與雪為媒
夫君每尚風流事
應為徐妃致此裁

華亭鶴聞之舊矣及來吳中以錢半千得一隻養之始經歲不幸為飲啄所誤經夕而卒悼之不已遂繼以詩南陽潤卿博士浙東德師侍御毗陵魏不琢處士東吳陸魯望秀才及厚於余者

悉寄之請垂見和

皮日休

池上低摧病不行誰教仙魄反層城陰苔尚有前朝跡
皎月新無昨夜聲菰米正殘三日料筠籠休礙九霄程
不知此恨何時盡遇著雲泉即愴情

莫怪朝來淚滿衣墮毛猶傍水花飛遼東舊事今千古
却向人間葬令威

奉和襲美先輩悼鶴二首

前浙東觀察推官魚殿中侍御史李穀

才子襟期本上清
陸雲家鶴伴閑情
猶憐反顧五六里
何意忽歸十二城
露滴誰聞高葉墜
月沉休藉半堦明
人間華表堪留語
剗向秋風寄一聲

道林曾放雪翎飛
應悔庭除閉羽衣
料得王恭披鶴氅
倚吟猶待月中歸

奉和

張賁

池塘蕭索掩空籠
玉樹同嗟一土中
莎徑罷鳴唯泣露
松軒休舞但悲風
丹臺舊氅難重緝
紫府新書宜更通

雲滅霧消無處問只留華髮與衰翁

渥頂鮮毛品格馴莎庭閑暇重難孱無端日暮東風起
飄散春空一片雲

奉和

陸龜蒙

一夜圓吭絕不鳴八公虛道得千齡方添上客雲眠思
忽伴中仙劍解形但掩叢毛穿古堞永留寒影在空屏
君才幸自清如水更向芝田為刻銘

鄴都香稻字重思遙想飛魂去未饑爭奈野鴉無數健

黃昏來占舊樓枝

奉和

魏朴

直欲裁詩問杳冥
宣教靈化亦浮生
風林月動疑留魄
沙島烟愁似蘊情
雪骨夜封蒼蘚冷
練衣寒在碧塘輕
人間飛去猶堪恨
況是泉臺遠玉京

經秋宋玉已悲傷
况報胎禽昨夜亡
霜曉起來無問處
伴僧彈指繞荷塘

傷開元觀顧道士

皮日休

協晨宮上啟金扉詔使先生坐蛻歸鶴有一聲應是哭
丹無餘粒恐潛飛烟淒玉笥封雲篆月慘琪花葬羽衣
腸斷雷平舊遊處五芝無影草微微

奉和

張賁

鳳麟膠盡夜如何共歎先生劍解多幾度弔來唯白鶴
此時乘去必青驪圖中含景隨殘照琴裏流泉寄逝波
悵望真靈又空返玉書誰授紫微歌

奉和

陸龜蒙

何事神超入杳冥不騎孤鶴上三清多應白簡迎將去
即是朱陵鍊更生藥莫肯同椒醑味雲謠空替薤歌聲
武皇徒有飄飄思誰問山中宰相名

奉和

鄭壁

斜漢銀瀾一夜東飄飄何處五雲中空留華表千年約
纔畢丹爐九轉功形蛻遠山孤壙月影寒深院曉松風
門人不覩飛升去猶與浮生哭恨同

醉中即席贈潤卿博士

皮日休

適越遊吳一散仙銀鉶玉柄兩脩然茅山頂上攜書簞
笠澤心中漾酒船桐木布溫吟倦後桃花飯熟醉醒前
謝安四十餘方起猶自高閒得數年

奉和次韻

張賁

桂枝新下月中仙學海詞鋒譽藹然文陣已推忠信甲
窮波猶認孝廉船清標稱住羊車上俗韻慙居鶴氅前
共許逢蒙快弓箭再穿楊葉在明年

奉和次韻

陸龜蒙

共是虛皇簡上仙清詞如羽若飄然登山凡著幾兩屐
破浪欲乘千里船遠夢只留丹井畔閒吟多在酒旗前
誰知海上無名者只記漁歌不記年

偶留羊振文先輩及一二文友小飲日休以眼病

初平不敢飲酒遣侍密歡因成四韻 皮日休

謝莊初起怯花晴強倚紅筵不避觥久斷杯盃華蓋喜
忽聞歌吹谷神驚襪襪正重新開柳咕囁難通乍囁囁
猶有僧虔多蜜炬不辭相伴到天明

奉和襲美見留小譙次韻

羊昭業

澤國春來少遇晴，有花開日且飛觥。
王戎似電休推病，周顗纔醒衆却驚。
芳景漸濃偏屬酒，暖風初暢欲調鶯。
知君不肯燃官燭，爭得華筵徹夜明。

襲美留振文小宴龜蒙抱病不赴猥示倡和因次

韻仰酬

陸龜蒙

綺席風開照露晴，祗將茶薺代雲觥。
繁絃似玉紛紛碎，佳妓如鴻一一驚。
毫健幾多飛藻客，羽寒寥落映花鶯。

幽人獨自西窗晚閒凭香檯反照明

醉中襲美先起因成戲贈

李 穀

休文雖即逃瓊液阿鶩還須掩玉闥月落金鷄一聲後
不知誰悔醉如泥

走筆奉詠次韻

皮日休

麝烟冉冉生銀兔蠟淚漣漣滴繡闥舞袖莫欺先醉去
醒來還解驗金泥

一奉和次韻

張 賁

何事桃源路忽迷，唯留雲雨怨空閨。
仙郎共許多情調，莫遣重歌濁水泥。

奉和次韻

陸龜蒙

莫唱艷歌凝翠黛，已通仙籍在金閨。
他時若寄相思淚，紅粉痕應伴紫泥。

奉送浙東德師侍御罷府西歸

張 賁

孤雲獨鳥本無依，江海重逢故舊稀。
楊柳漸疎蘆葦白，可堪斜日送君歸。

同前

陸龜蒙

王謝遺踪玉籍仙三年閒上鄂君船詩懷白閣僧吟苦
俸買青田鶴價偏行次野楓臨遠水醉中衰菊卧涼烟
芙蓉散盡西歸去唯有山陰九萬賤

同前

皮日休

建安才子太微仙暫上金臺許二年形影欲歸溫室樹
夢魂猶傍越溪蓮空將海月為京信尚使樵風送酒船
從此受恩知有處免為傖鬼恨吳天

浙東罷府西歸道經吳中廣文張博士皮先輩陸
秀才皆以雅篇相送不量荒詞亦用酬別

李穀

宜有頭風筆下痊浪成蠻語向初筵
蘭亭舊址雖曾見柯笛遺音更不傳
照曜文星吳分野留連花月晉名賢
相逢只恨相知晚一曲驪歌又幾年

送羊振文先輩往桂陽歸覲
陸龜蒙

風雅先生去一麾過庭才子趣歸期

時使君大人自
毛詩博士出牧讓

王門外開帆葉義帝城中望戟枝郢路漸寒飄雪遠湘
波初暖漲雲遲靈均精魄如能問又得千年賈傳詞

同前

皮日休

桂陽新命下彤墀彩服行當欲雪時登第已聞傳禰賦

問安猶聽講韓詩竹人臨水迎符節

曹昆湘中賦
實當實如人

風母

穿雲避信旗

桂陽山中有風母
獸擊故向風輒活

無限湘中悼騷恨憑君

比去謝江離

同前

顏萱

高挂吳帆喜動容，問安歸去指湘峰。
懸魚庭內芝蘭秀，

馭鶴門前薜荔封。

蘇耽舊宅在桂州

紅旆正憐棠影茂，綵衣偏

帶桂香濃。臨歧獨有霑襟戀，南蒼當年共化龍。

先輩與拾遺叔

父同年也

同前

司馬都

此去懽榮冠士林，離筵休限酒杯深。
雲梯萬仞初高步，月桂餘香尚滿襟。
鳴棹曉衝蒼靄發，落帆寒動白華吟。
君家祖德惟清苦，却笑當時問絹心。

褚家林亭

皮日休

廣亭遙對舊娃宮
竹島蘿溪委曲通
茂苑樓臺低檻外
太湖魚鳥徹池中
蕭疎桂影移茶具
狼籍蘋花上釣筒
爭得共君來此住
便披鶴氅對清風

奉和

張賁

疎野林亭震澤西
朗吟閒步喜相攜
時時風折蘆花亂
處處霜摧稻穗低
百本敗荷魚不動
一枝寒菊蝶空迷
今朝偶得高陽伴
從放山翁醉似泥

奉和

陸龜蒙

一陣西風起浪花
遶欄干下散瑤華
高窻曲檻仙侯府
卧葦荒芹白鳥家
孤島待寒凝片月
遠山終日送餘霞
若知方外還如此
不要乘秋上海槎

送圓載上人歸日本國

皮日休

講殿談餘著賜衣
柳帆却返舊禪扉
貝多紙上經文動
如意瓶中佛爪飛
鷗母影邊持戒宿
波神宮裏受齋歸
家山到日將何入
白象新秋十二圍

重送

皮日休

雲濤萬里最東頭射馬臺深王署秋

射馬臺即今王城也

無限屬

城為粵國幾多分界是亶州

州在會稽海外傳是徐福之裔

取經海底

開龍藏誦呪空中散蜃樓不奈此時貧且病乘桴直欲伴師遊

同前

陸龜蒙

老思東極舊巖扉却待秋風泛舶歸曉梵陽烏當石磬夜禪陰火照田衣見翻經論多盈篋親植杉松大幾圍

遙想到時思魏闕祇應遙拜望斜暉

聞圓載上人挾儒家書洎釋典以行更作一絕以

送

陸龜蒙

九流三藏一時傾萬軸光凌渤海聲從此遺編東去後
却應荒外有諸生

同前

顏萱

師來一世恣經行却汎滄波問去程心靜已能防渴鹿
輦喧時為駭長鯨

師云每遇鯨舟人必鳴鼓而恐之

禪林幾結金桃重

日本有金桃
實重一斤

梵室重修鐵瓦輕

以鐵為瓦
輕于陶者

料得還鄉無

別利只應先見日華生

文謙招潤卿博士辭以道侶將至因書一絕寄之

陸龜蒙

仙客何時下鶴翎
方瞳如水腦華清
不過傳達楊君夢
從許人間小兆聽

奉和

皮日休

瘿木樽前地肺圖
為君偏輟俗功夫
靈真散盡光來此

莫戀安妃在後無

再招

陸龜蒙

遙知道侶譚玄次又是文交麗事時雖是寒輕雲重日
也留花簾待徐摘

奉和

皮日休

飈御已應歸杳眇博山猶自對氛氲不知入夜能來否
紅蠟先教刻五分

偶約道流終乖大會因成一絕用荅四篇

張賁

仙侶無何訪蔡經
兩煩韶濩出彤庭
人間若有登樓望
應怪文星近客星

以青餽飯分送襲美魯望因成一絕 張賁

誰屑瓊瑤事青餽
舊傳名品出華陽
應宜仙子胡麻拌
因送劉郎與阮郎

潤卿遺青餽飯兼之一絕聊用答謝

皮日休

傳得三元餽飯名大宛聞說有仙卿

案西梁子文撰黃錦素書十通其二

傳大宛北谷子自號青精先生

分泉過屋春青稻

此飯以青龍稻為之

拂霧影衣

折紫莖

南稻莖微紫色

蒸處不教雙鶴見服來唯怕五雲生草

堂空坐無飢色時把金津漱一聲

同前

陸龜蒙

舊聞香積金仙食今見青精玉斧餐自笑鏡中無骨錄
可能飛上紫霞端

酒病偶作

皮日休

鬱林步障晝遮明一炷濃香養病醒何事晚來還欲飲
隔牆聞賣蛤蜊聲

奉和

陸龜蒙

柳疎桐下晚窻明祇有微風為析醒唯欠白綃籠解散
解散王儉髻名時人皆慕之也洛生閒詠兩三聲

奉和次韻

張賁

白編柳席鏤冰明應助楊青解宿醒難繼二賢金玉倡
可憐空作斷猿聲

潤卿魯望寒夜見訪各惜其志遂成一絕

皮日休

世外為交不是親
醉吟俱岸白綸巾
風清月白更三點
未放華陽鶴上人

奉和次韻

張賁

雲孤鶴獨且相親
倣效從他折角巾
不用吳江歎留滯
風姿俱是玉清人

奉和次韻

陸龜蒙

醉韻飄飄不可親
掉頭吟側華陽巾
如能跂脚南窻下
便是羲皇世上人

翫金鷄鵲戲贈龔美

陸龜蒙

曾向溪邊泊暮雲
至今猶憶浪花羣
不知鏤羽凝香霧
堪與鴛鴦覺後聞

奉和

皮日休

鏤羽雕毛迴出羣
溫磨飄出麝臍薰
夜來曾吐紅茵畔
猶似溪邊睡不聞

奉和

張賁

翠羽紅襟鏤彩雲
雙飛常笑白鷗羣
誰憐化作雕金質
從倩沈檀十里聞

友人許惠酒以詩徵之

皮日休

野客蕭然訪我家
霜殘白菊兩三花
子山病起無餘事
只望蒲臺酒一車

庾信集云蒲州刺史中山公許酒一車未送

奉和

鄭璧

乘興閒來小謝家
便裁詩句乞榴花
郢原雖不無端醉

也要臨風從鹿車

奉和

陸龜蒙

凍醪初漉嫩如春
輕蟻漂漂雜並塵
得伴方平同一醉
明朝應作蔡經身

寒夜文讌潤卿有期不至

皮日休

草堂虛灑待高真
不意清齋避世塵
料得焚香無別事
存心應降月夫人

奉和

陸龜蒙

細雨輕觴玉漏終
上清詞句落吟中
松齋一夜懷貞白
霜外空聞五粒風

奉和

鄭璧

已知羽駕朝金闕
不用燒蘭望玉京
應是易遷明月好
玉皇留看舞雙成

蒙恩除替將還京
洛偶敘所懷因成六韻呈軍事

院諸公郡中一二秀才

崔璞

兩載求民瘼三春受代歸
務繁多簿籍才短乏恩威
共

理乖天獎分憂值歲饑遽蒙交郡印

到郡十二箇月除替未及二年安

敢整朝衣作牧慙為政思鄉念式微儻容還故里高卧

掩柴扉

諫議以罷郡將歸以六韻賜示因佇訓猷

皮日休

欲下持衡詔先容解印歸
露濃春後澤霜薄霽來威
舊化堪治疾餘恩可療饑
隔花攀去棹穿柳挽行衣
佐理能無取酬知力甚微
空將千感淚異日拜黃扉

謹和諫議罷郡敘懷六韻

陸龜蒙

已報東吳政初捐左契歸天應酬苦節人不犯寒威江
上思重借朝端望載饑紫泥封夜詔金殿賜春衣對酒
情何遠裁詩思極微待升鑄造日江海問漁扉

松陵集卷九

欽定四庫全書

松陵集卷十

雜體詩八十六首

雜體詩序

皮日休

案舜典帝曰夔命汝典樂教胄子詩言志歌永言在焉
周禮太師之職掌教六詩諷賦既興風雅互作雜體遂
生焉後繫之於樂府蓋典樂之職也在漢代李延年為
協律造新聲雅道雖缺樂府乃盛鏡歌鼓吹拂舞予俞

因斯而興詞之體不得不因時而易也古樂書論之甚
詳今不能備載載其他見者案漢武集元封三年作栢
梁臺詔羣臣二千石有能為七言詩者乃得上坐帝曰
日月星辰和四時梁王曰驂駕駟馬從梁來繇是聯句
興焉孔融詩云漁父屈節水潛匿方作郡姓名字離合
也繇是離合興焉晉傳咸有迴文反覆詩二首云反覆
其文者以示憂心展轉也悠悠遠邁獨煢煢是也繇是
反覆興焉晉溫嶠有迴文虛言詩云寧神靜泊損有崇

亡繇是迴文興焉梁武帝云後牖有朽柳沈約云偏眠
船舷邊繇是疊韻興焉詩云蟋蟀在東又曰鴛鴦在梁
繇是雙聲興焉詩云維南有箕不可以簸揚維北有斗
不可以挹酒漿近乎戲也古詩或為之蓋風俗之言也
古有採詩官命之曰風人園綦燒敗襖着子故依然繇
是風人之作興焉梁書云昭明善賦短韻吳均善壓強
韻今亦効而為之存于編中陸生與予各有是為凡八
十六首至如四聲詩三字離合金篇雙聲疊韻之作悉

陸生所為又足見其多能也案齊竟陵王郡縣詩曰追
芳承荔浦揖道信雲丘縣名繇是興焉案梁元藥名詩
曰戍客恒山下當思衣錦歸藥名繇是興焉陸與予亦
有是作至如鮑昭之建除沈炯之六甲十二屬梁簡文
之卦名陸惠曉之百姓梁元帝之鳥名龜兆蔡黃門之
口字古兩頭纖纖葉砧五雜組已降非不能也皆鄙而
不為噫繇古至律繇律至雜詩盡乎此也近代作雜體
唯劉賓客集中有迴文離合雙聲疊韻如聯句則莫若

孟東野與韓文公之多他集罕見足知為之之難也陸
與予竊慕其為人遂合已作為雜體一卷囑予序雜體
之始云

苦雨禱言寄魯望

皮日休

吳中十日涔涔雨歎蒸庖下豪家苦可憐臨頓陸先生
獨自脩然守環堵兒飢僕病漏空厨無人肯典破衣裾
蟲羸時時上几案鼃黽往往跳琴書桃花米斗半百錢
枯荒涇壤炊不然雨牀苙席一素几仰卧高聲吟太玄

知君志氣如鐵石甌冶雖神銷不得乃知苦雨不復侵
枉費畢星無限力鹿門人作州從事周章似鼠唯知醉
府金廩粟虛請來憶著先生便知愧愧多饋少真徒然
相見唯知攜酒錢豪華滿眼語不信不如直上天公牋
天公牋方修次且榜鳴蓬來一醉

奉訓苦雨見寄

陸龜蒙

松篁交加午陰黑別是江南烟靄國頑雲猛雨更相欺
聲似號號色如墨茅茨裒爛簷生衣夜夜化為螢火飛

螢飛漸多屋漸薄一注愁霖當面落愁霖愁霖爾何錯滅頂

於余奚所作既不能賦似陳思王又不能詩似謝康樂

曹有愁霖賦
謝有愁霖詩

昔年嘗過杜子美亦得高歌破印紙慣曾

掀攪大筆多為我才情也如此高揖愁霖詞未已披文

忽自皮夫子哀絃怨柱合為吟恠我窮棲蓬蘞裏初悲

溼翼何繇起未欲箋天叩天耳其如玉女正投壺笑電

霏霏作天喜我本曾無一稜

去聲

田平生嘯傲空漁船有

時赤脚弄明月踏破五湖光底天去歲王師東下急輸

兵粟盡民相泣伊予不戰不耕人敢怨
烝黎無糝粒不然受性圓如規千姿萬態分毫釐唾壺虎子盡能執舐
痔折枝無所辭有頭強方心強直撐拄頽風不量力自
愛垂名野史中寧論抱困荒城側唯君浩歎非庸人分
衣輟飲來相親橫眠木榻忘華薦對食露葵輕八珍欲
窮玄鳳未白欲懷仙鯨尚隔不如驅入醉鄉中只恐醉
鄉田地窄

齊梁怨別

陸龜蒙

寥寥缺月看將落
簷外霜華染羅幕
不知蘭棹到何山
應倚相思樹邊泊

奉和次韻

皮日休

芙蓉泣恨紅鉛落
一朵別時烟似幕
鴛鴦剛解惱離心
夜夜飛來棹邊泊

曉起卽事因成迴文寄襲美

陸龜蒙

平波落月吟閒景
暗幌浮烟思起人
清露曉垂花謝半
遠風微動蕙抽新
城荒上處樵童小
石蘚分來宿鷺馴

晴寺野尋同去好古碑苔字細書勻

奉和曉起迴文

皮日休

孤烟曉起初原曲碎樹微分半浪中湖後釣筒移夜雨
竹傍眠几側晨風圖梅帶潤輕雲畫鮮經蒸半失紅
無事有杯持永日共君唯好隱牆東

夏日閒居作四聲詩寄襲美

陸龜蒙

平聲

荒池菰蒲深閒堦莓苔平江邊松篁多人家簾櫳清為

書凌遺編調絃夸新聲求懽雖殊途探幽聊怡情

平上聲

朝烟涵樓臺晚雨染島嶼漁童驚狂歌艇子喜野語山
容堪停杯柳影好隱暑年華如飛鴻斗酒幸且舉

平去聲

新開窻猶偏自種蕙未編書籤風搖聞釣榭霧破見耕
耘間之資嘯詠性最便希夷全天真詎要問貴賤

平入聲

端居愁無涯一夕髮欲白因為鸞章吟忽憶鶴骨客手
披丹臺文脚着赤玉舄如蒙清音訓若渴吸月液

奉訓夏日四聲四首

皮日休

平聲

塘平芙蓉低庭閒梧桐高
清烟埋陽烏藍空含秋毫
冠傾傭移簪杯乾將鋪糟
條然非隨時夫君真吾曹

平上聲

溝渠通疎荷浦嶼隱淺篠
舟閒攢輕蘋槳動起靜鳥
陰

稀餘桑閒縷盡晚重小吾徒當斯時此道可以了

平去聲

怡神時高吟快意乍四顧村深啼愁鵲浪霽醒睡鷺書
疲行終朝單困卧至暮吁嗟當今交暫貴便異路

平入聲

先生何違時一室習寂歷松聲將飄堂岳色欲壓席彈
琴奔玄雲斲藥折白石如教題君詩若得札玉冊

苦雨中又作四聲詩寄魯望

皮日休

平聲

泔泔將經句昏昏空迷天鷓鴣成群嬉芙蓉相偎眠漁
通蓑衣城帆過菱花田秋收吾無望悲之真徒然

平上聲

河平州橋危壘晚水鳥上衝崖搜松根點沼寫芙蓉舟
輕通縈紆棧墮阻指掌携橈將尋君渚滿坐可往

平去聲

狂霖昏悲吟瘦桂對病卧簷虛能影斜舍蠹易漏破霄

愁將琴攻畫悶用睡過堆書仍傾觴富貴未換箇

平八聲

羈棲愁霖中缺宅屋木惡荷傾還驚魚竹滴復觸鶴閒
僧千聲琴宿客一爰藥悠然思夫君忽憶蠟屐着

奉訓苦雨四聲重寄三十二句

陸龜蒙

平聲

幽棲眠疎窻豪居憑高樓浮漚驚跳丸寒聲思重裘牀
前垂大竿巢邊登輕舟雖無東臯田還生魚乎憂

平上聲

層雲愁天低久雨倚檻冷絲禽藏荷香錦鯉繞島影心
將時人乖道與隱者靜桐陰無深泉所以逞短綆

平去聲

烏蟾俱沉光晝夜恨暗度何當乘雲螭面見上帝愬臣
言陰雲欺詔用利劍付迴車誅羣姦自散萬籟怒

平入聲

危簷仍空堦十日滴不歇青莎看成狂白菊即欲沒吳

王荒金樽越妾挾玉瑟當時雖愁霖亦若惜落月

疊韻雙聲二首

陸龜蒙

疊韻山中吟

瓊英輕明生石脉滴瀝碧玄鉛仙偏憐白幘客亦惜

雙聲溪上思

溪空唯容雲木密不隕雨迎漁隱映間安問謳鴉榜

奉和疊韻雙聲二首

皮日休

疊韻中山吟

穿烟泉潺湲觸竹犢敲穀荒篁香墻匡熟鹿伏屋曲

雙聲溪上思

疎杉低通灘冷鷺立亂浪草彩欲夷猶雲容空澹蕩

疊韻吳宮詞二首

陸龜蒙

虜愉吳都姝眷戀便殿晏逡巡新春人轉面見戰箭
紅櫓通東風翠珥醉易墜平明兵盈城棄置遂至地

奉和疊韻吳宮詞二首

皮日休

侵淫尋嶽岑勢厲銜睥睨荒王將鄉亡細麗蔽袂逝

枌栢替製曳康莊傷荒涼主虜部伍苦牆亡房廊香

閒居雜題五首

以題十五
字雜合

陸龜蒙

鳴蜩早

閒來倚杖柴門口鳥下深枝啄晚蟲周步一池銷半日
十年聽此鬢如蓬

野態真

君如有意耽田里予亦無機向藝能心跡所便唯是直
人間聞道最先憎

松間斟

予山園靜憐幽木公幹詞清詠蓴門月上風微蕭灑甚
斗醪何惜置盈樽

飲巖泉

已甘茅洞三君食欠買桐江一朵山巖子瀨高秋浪白
水禽飛盡釣舟還

當軒鶴

自笑與人乖好尚田家山客共柴車干時未似棲廬雀

鳥道閒攜相爾書

奉和雜題五首

以題十五
字離合

皮日休

晚秋吟

東皋烟雨歸耕日
免去玄冠手刈禾
火滿酒壚詩在口
今人無計奈儂何

好詩景

青盤香露傾荷女
子墨風流更不言
寺寺雲蘿堪度日
京塵到死撲侯門

醒聞檜

解洗餘醒晨半酉
星星仙吹起雲門
耳根莫厭聽佳木
會盡山中寂靜源

寺鍾暝

百緣斗數無塵土
寸地章煌欲布金
重擊蒲牢吟山日
冥冥烟樹覩棲禽

砌思步

襪襪古薜綳危石
切切陰蟄應晚田
心事萬端何處止

少夷峰下舊雲泉

藥名離合夏日即事三首

陸龜蒙

乘屐着來幽砌滑石罌煎得遠泉甘草堂祇待新秋景
天色微涼酒半酣

避暑最須從朴野葛巾筠席更相當歸來又好乘涼釣
藤蔓陰陰著雨香

窻外曉簾還自卷栢烟蘭露思晴空青箱有意終須續
斷簡遺編一半通

奉和

皮日休

季春人病拋芳杜
仲夏溪波繞壞垣
衣典濁醪身倚桂
心中無事到雲昏

數曲急溪衝細竹
葉舟來往盡能通
草香石冷無辭遠
志在天台一遇中

桂葉似茸含露紫
葛花如綬蘸溪黃
連雲更入幽深地
骨錄閒攜相獵郎

懷錫山藥名離合二首

皮日休

暗竇養泉容泱泱明園護桂放亭亭歷山居處當天半
夏裏松風盡足聽

曉景半和山氣白薇香清淨雜纖雲實頭自是眠平石
腦側空林看鹿羣

奉和

陸龜蒙

鶴伴前溪栽白杏人來陰洞寫枯松蘿深境靜日欲落
石上未眠聞遠鍾

佳句成來誰不伏神丹偷去亦須防風前莫怪攜詩藁

本是吳吟盪樂郎

懷鹿門縣名離合二首

皮日休

山瘦更培秋後桂
溪澄閒數晚來魚
臺前過雁盈千百
泉石無情不寄書

十里松蘿陰亂石
門前幽事雨來新
野霜濃處憐殘菊
潭上花開不見人

奉和

陸龜蒙

雲容覆枕無非白
水色侵磯直是藍
田種紫芝餐可壽

春來何事戀江南

竹溪深處猿同宿
松閣秋來客共登
封徑古苔侵石鹿
城中誰解訪山僧

寒日古人名一絕

陸龜蒙

初寒朗詠衰回立
欲謝玄闕早晚開
昨日登樓望江色
魚梁鴻雁幾多來

奉和

皮日休

北顧懽遊悲沈宋

梁武改為北顧

南徐陵寢歎齊梁
水邊韶景

無窮柳寒被江淹一半黃

胥口即事六言二首

皮日休

波光杳杳不極霽景澹澹初斜黑蛺蝶粘蓮蕊紅蜻蜓
裊淩花鴛鴦一處兩處舴艋三家五家會把酒船偎荻
共君作去箇生涯

拂釣清風細麗飄蓑暑雨霏微湖雲欲散未散嶼鳥將
飛不飛換酒幃頭把看載蓮艇子撐歸斯人到死還樂
誰道剛須用機

奉和

陸龜蒙

雨後山容若動天
寒樹色如消目
送迴汀隱隱心隨挂
鹿搖搖白蔣知秋
露裊青楓欲暮烟
饒莫問吳趨行樂
酒旗竿倚河橋

把釣絲隨浪遠采蓮衣染香濃
綠倒紅飄欲盡風斜雨
細相逢斷岸沈魚罟約罟二音
魚網也鄰村送客艫舸即是

清霜刮野乘閒莫厭來重

風人詩三首

陸龜蒙

十萬全師出遙知正憶君一心如瑞麥唯作兩岐分
破蘖共朝爨須知是苦辛曉天窺落宿誰識獨醒人
聞道更新幟多應廢舊期征衣無伴擣獨處自然悲

奉和

皮日休

刻石書離恨因成別後悲莫言春蠶薄猶有萬重絲
鏤出容刀飾親逢巧笑難日中騷客珮爭奈即闌干
江上秋聲起從來浪得名逆風猶挂席苦不會帆情

寄題天台國清寺齊梁體

皮日休

十里松門國清路飯猿臺上菩提樹怪來烟雨落晴天
元是海風吹瀑布

同前

陸龜蒙

峰帶樓臺天外立明河色近杲愚溼松間石上定僧寒
半夜猶溪水聲急

寒夜聯句

靜境揖神凝寒華射林缺

龜蒙

清知思緒斷爽覺心源澈

日高唱憂金奏朗詠鏗玉節

龜蒙

我思方沆寥君詞復淒

切日休况聞風簟上擺落殘凍雪

龜蒙

寂爾萬籟清皎然諸

靄滅

日休

西窗客無夢南浦波應結

龜蒙

河光正如劒月魄

方似玦

日休

短燼不禁挑冷毫看欲折

龜蒙

何夕重相期濁

醪還為設

日休

開元寺樓看雨聯句

海上風雨來掀轟雜飛電登樓一凭檻滿眼蛟龍戰

龜蒙

須臾造化慘倏忽堪興變萬戶響戈鋌千家披組練

日休

羣飛拋輪石雜下攻城箭點急似摧胸行斜如中面

龜蒙

細灑魂空冷橫飄目能眩垂簷珂珮喧爆瓦珠璣濺

休日

無言九陔遠瞬息馳應徧密處正垂絙微時又懸綫

蒙龜

寫作玉界破吹為羽林旋翻傷列缺勞却怕豐隆倦

休日

遙瞻山露色漸覺雲成片遠樹欲鳴蟬深簷尚藏燕

蒙龜

殘雷隱轉盡反照依微見天光潔似磨湖彩熟於練

休日

疎帆逗前渚晚磬分涼殿接思強揮毫窺詞幾焚硯

蒙龜

信栗烏皮几輕明白羽扇畢景好疎吟餘涼可清晏

休日

君攜下高磴僧引還深院駁蘚淨鋪筵低松溼垂鬚

蒙龜

齋明乍虛豁林霽逾蔥蒨早晚重登臨欲去多離戀

日休

北禪院避暑聯句

院昔為戴顓宅後
司勳陸郎中居之

歌蒸何處避東入戴顓宅逍遙脫單絛放曠拋輕策爬
搔林下風偃仰澗中石

日休

殘蟬烟外響野鶴沙中跡到

此失煩襟蕭然揖禪伯藤懸疊霜蛻桂倚支雲錫

龜清
蒙

陰豎毛髮爽氣舒筋脈逐幽隨竹書選勝鋪苴席魚跳

上紫芡蝶化緣青壁

日休

心是玉蓮徒耳為金磬敵吾宗

昔高尚志在羲皇易宜獨斷韋編幾將刊鐵撻

龜蒙

天書

既屢降野抱難自適一入承明廬盱衡論今昔流光不

容寸斯道甘枉尺

日休

既起謝儒玄亦翻商羽翼封章帷

幄徧夢寐江湖白擺落幽谷塵高欹華陽幘

龜蒙

詔去雲

無信歸來鶴相識半病奪牛公全慵捕魚客少微光一

點落此芒礫索

日休

釋子問池塘門人廢幽蹟堪悲東序

寶忽變西方籍不見步兵詩空懷康樂屐

龜蒙

高名不可

效勝境徒堪惜墨沼轉疎蕪玄齋踰閒寂遲遲不能去

涼颼滿杉栢

日休

日下洲島清烟生苾芻碧俱懷出塵想

共有吟詩癖終與淨名遊還來雪山覓

龜蒙

獨在開元寺避暑頗懷魯望因飛筆聯句

煩暑雖難避僧家自有期泉甘於馬乳苔滑似龍鱗

日休

任誕襟全散臨幽榻旋移松行將雅拜簷陣欲交麾

龜蒙

望塔青髯識登樓白鴿知石經森欲動珠像儼將怡

簾臨杉穗紗巾透雨絲靜譚蟬噪少涼步鶴隨遲

日休

重迴蕉扇風輕拂桂帷對碑吳地說開卷梵天詞積水

魚梁壞殘花病枕欹懷君蕭灑處孤夢繞梁恩

龜蒙

寂上人院聯句

癭床空默坐清景不知斜暗數菩提子閒看薜荔花

休日

有情唯墨客無語是禪家背日聊依柱嘗泉欲試茶

龜蒙

石形蹲玉虎池影閃金蛇經笥安巖匝鉗囊挂樹樞

休日

書傳滄海外龕寄白雲涯竹色寒凌箔燈光靜隔紗

龜蒙

趣幽翻小品逐勝講南華莎彩融黃露蓮衣染素霞

休日

水堪傷聚沫風合落天葩若許傳心印何辭古堞賒

龜蒙

藥名聯句

為待防風餅須添蕙苾杯

張賁

香燃栢子後罇泛菊花來

日休石耳泉能洗垣衣雨為裁

龜蒙

從容犀局靜斷續玉琴

哀

賁

白芷寒猶採青箱醉尚開

日休

馬銜衰草卧烏啄蠹

根迴

龜蒙

雨過蘭芳好霜多桂未摧

賁

朱兒應作粉雲母

詎成灰

日休

藝可屠龍膽家曾近鷺胎

龜蒙

墻高牽薜荔障

軟撼玫瑰

賁

鷗鼠啼書戶蝸牛上硯臺

日休

誰能將葉本

封與玉泉才

龜蒙

寒夜文晏聯句

文星今夜聚應在斗牛間

日休

載石人方至秉槎客未還

賁

送觴繁露曲徵句白雲顏

龜蒙

節奏唯聽竹從容只話

山

日休

理窮傾祕藏論猛折玄關

賁

郵酒分中綠巴牋擘

處殷

龜蒙

清言聞後醒強韻壓來艱

日休

犀柄當風揖瓊枝

向月攀

賁

松吟方噤泉夢憶潺潺

龜蒙

一會文章草昭

明不可刪

日休

報恩寺南池聯句

古岸涵碧落

龜蒙

虛軒明素波坐來魚陣變

日休

吟久菊

闕

多秋草分杉露

起

危橋下竹坡遠峰青髻並

起

龜原關

髯和趙論寒仍講

休

支硎僻亦過齋心曾養鶴

起

萬揮翰

好邀鵝

南峰院即故相國裴公書額

倚石收奇藥

起

龜臨溪藉淺莎桂

花晴似拭

休

荷鏡曉如磨翠出牛頭聳

起

萬苔深馬跡跛

石上有支公馬跡

傘鼓從野醉

龜

巾側任田歌跣趺松形矮

休

般跚檜樾矧香飛僧印火

起

萬泉急使鑣珂淩鈿真堪帖

龜萼絲亦好拖幾時無一事

起

萬日相伴著烟蘿

起

夜會問荅十首

寒夜清

日休問
魯望

簾外迢迢星斗明況有蕭閒洞中客吟

為紫鳳呼皇聲

時華陽廣文
先生在馬

癭木杯

龜蒙問
襲美

杉檟楠瘤剝得來莫怪家人畔邊笑渠

心祇愛黃金壘

落霞琴

日休問
潤卿

寥寥山水揚清音玉皇仙馭碧雲遠空

使松風終日吟

蓮花燭

貞問
襲美

亭亭嫩蕊生紅玉不知含淚怨何人欲問

無繇得心曲

金火障

日休問
魯望

紅獸飛光射羅幌夜來斜展掩深爐半

睡芙蓉香蕩漾

憶山月

龜蒙問
潤卿

前溪後溪清復絕看看又及桂花時空

寄子規啼處血

錦鯨薦

賁問
襲美

碧香紅膩承君晏幾度閒眠却覺來彩鱗

飛出雲濤面

懷溪雲

日休問
魯望

漠漠閒籠鷗鷺羣有時日暮碧將合還

被漁舟來觸分

霜中笛

龜蒙問
囊美

落梅一曲瑤華滴不知青女是何人三

奏未終頭已白

月下橋

日休問
魯望

風外拂殘衰柳條倚欄干處獨自立青

翰何人吹玉簫



松陵集卷十

松陵集跋

古松陵即今之吳江予同年濟寧劉君濟民來為邑令
謂是集為其邑故物而人未之見授儒士盧雍校勘捐
俸刻之予觀唐詩人多尚次韻至元白而益盛其萃而
成編則有漢上題襟斷金及是三集按皮氏自序謂一
歲之中詩凡六百五十八首其富如此則又題襟斷金
之所無者況其遊燕題詠類多吳中之作後之希賢懷
古者將於是不乎攷固吳人所當寶也劉君為政不減古

人其刻是集豈直私於一邑蓋將公之天下者也弘治
壬戌九月二日前進士吳都穆跋